



प्रभु यीशुअः
सिर्माअन देगा

Compiled by Watson Goodman

Free—Not to be sold

“प्रभु यीशुअः सिर्माअन देंगा”

परमेश्वरअः कजि रेअः सनरति ननम को मेन्ते फैदान
गेआ । जां होदो अयअः पापे ते हियार्तिग केते पुअः
मोन ते मसीह यीशु रे विश्वासे तना, तोबे प्रभु यीशु अराअः
“सुकु” विश्वासीअः मोन रे डलावेतना । नेया रेअः
१६३७ रे अइंग के होबायना । नेया होबायन तराम
परमेश्वर लोः अइंगा समबन्ध का टोटअः यना ।

अयेते अइंगा बिन्ती मेनअः चि अम अमअः जीदन
ओम केयाते प्रभु यीशु स्त्रीष्ट के अमअः दुदुःनिः मेन्ते
मनार्तिगीमे ॥

—वॉटसन गुरुमैन

परमेश्वरआः दुलड़

1

युहघ्ना ३ : १६

इनिःरे विश्वास तनको दो अलो काको जियनोः मेन्दो
जनाव जनाव रेअः जीदनको नमेका मेन्ते परमेश्वर ओते
दिसुम पुरअःगे दुलड़ केदते अयअः अयअः मियदगे होनए
एमकिआ ।

प्रकाशितवाक्य १ : ५

ओड़ोः यीशु ख्रीष्ट सअःएते इनिः पतियार लेकन
गोवाए पेरेःएनिः ओड़ोः गोएअकन कोएते मुतकुल होन
ओड़ोः ओते रेन राजा कोआ गोमके तनिः इनिःगे दुलड़
केदबुते अयअः मयोमते अबुअः पाप कोएते रड़ा केदबुआ ।

2

प्रभु यीशुअः नंग कजिअकनअः

ओड़ोः भक्तिरेअः मुण्डि मरंगगेआ मेन्ते सोंवेन को मनतिगेआ (एना दो नेआ तनअः) एन होड़मो रे उदुब-यनिः आत्मा रे धरमानए लेका यना, सिरमा रेन दासि कोताए नेलरिकनयना, एटअः जाति रेन को तलारे ए उदुबेन यना, ओते दिसुम रेन को इनिः रेको पतियारः केदा, मनरंग रे ए रकब यना ।

१ तिमोथियुस ॥ : १६

ने सीवेनअः नधीते कजिअकद प्रभुअः कजि पुराओ नगेन्ते तैकेना, “तेर मियद डिण्डा कुडिए वरजीओआ ओड़ोः इनिः मियद कोड़ा होनए उन्दुबीआ ओड़ोः इनिः इम्मानुएल को नुतुमीआ” एना रेअः मुन्डी नेआ तनअः परमेश्वर अबुलोः रिआ ।

मत्ती १ : २, २३

यीशु परमेश्वरअः होन

3

१ योहन ४ : १५

यीशु परमेश्वरअः होन तनिः मेन्ते मनातिंग तन
सोबेन होड़ो कोरे परमेश्वरए तैन तना ओड़ोः इनकु इनिः
रेको तैन तना ।

कुलुस्सियो २ : ६

इनिः रेदो परमेश्वरअः गोटा पेनेरेः होड़मो हाय
तैकेना ।

यसायाह ६ : ६

अबु नगेन्ते दो मियद होनए उन्दुषअकना, मियद
कोड़ा होन अबु नगेन्ते एमाकना, ओड़ोः इनियअः तरनरे
राज्य तैना ओड़ोः इनिः हैकट रोजोटोनिः पेड़े यन परमेश्वर,
जोरोंग जोरोंग रेन अपु षपई रेन राजाए नुतुमोआ ।

4 यीशु मसीह उदुबयदा चि इनिः ओकोए तनिः

युहना ११ : २५

यीशुः जीबिनिरीद ओडोः जीदन अइंगगे तनिंग,
अइंगरे विश्वास तनिःए गोजोः रेओए जीदोआ ।

युहना ६ : ३५

यीशु इनकुए कजिअद कोआ जीदोः लद् अइंग तनिंग
अइंगतअः हिजुःनिः चिउलाओ कारेगेः इआ ओडोः अइंगरे
विश्वासेनिः चिउलाओ का तेतंगीआ ।

युहना १० : ७

एन्ते यीशु ओडोः मिसाए कजिअद कोआ, सरतिगे
सरतिगेंग कजिअपे तना, मिडि कोआ दुअर अइंगगे तनेंग ।

यीशु मसीहअः हुडिंग लेकन अकादन्दा कमि 5

मती २० : ३०-३४

ओड़ोः नेलेपे, बरिअ कंडा होड़ोकिन होरा गेनारे
दुबअकनकिग तैकेना । इनकिंग यीशुए परोम तना नेया
अयुम केदते ए गोमके ए दाउदअः होन बिलकालिंगमे मेन्ते
किंग हकौ किआ । ओड़ोः गदेल होड़ो को हपेनबेन गेन्ते
कां मरंग मोचा केदकिंगा मेन्दो इनकिंग ओड़ोः पुरअःते ए
गोमके ए दाऊदअः होन बिल्कालिंग मे मेन्ते किन हकौ
किया । ओड़ोः यीशु तिगुनयन्ते रअः औकेदकिंगा ओड़ोः
चिनअः बेन असि तना, चिनअ इंग चिका बेना, मेन्ते कुलि
केदकिंगा । ए गोमके मेदलिंग नमजोमकाकिंग मेनरूडा-
इआ । ओड़ोः यीशु लिबुइयन्ते इनकिंगअः मेदए जुटिद

केदा ओड़ो: इनकिनश्मतागे अकिंगअ: मेदकिंग नमाना
ओड़ो: इनि: किंग ओतोंग किआ ।

6 यीशु मसीह सृजावनि: ओड़ो: गोमके तनि:

कुलुस्सियो १ : १६

इनि: तेदो सिर्मा रे आर ओते रे मेनअ: स्वेनअ:
बैयना । नेलो: तेअ: आर कानेलो: तेअ:, सिंहासन आर
गोमके को, राज्यतन को आर गुसिया को, स्वेनअ:
इनियअ: होराते आर इनिया: नगेन्ते वैयाकना ।

नअ: दो परमेश्वर अपे क्रूशारे रकषकि: ने यीशुगे प्रभु
ओड़ो:ए ख्रीष्टअकअ:इआ । एना इस्त्राएलअ: गोटा ओड़ा:
रेन को सरतिगेको अटकरे का ।

प्रेरित २ : ३६

यीशु मसीह सोबेन कोअः विचारनिः

7

रोमियो २ : १६

परमेश्वर होड़ो कोअः उकुअःकनअः अइंगअः सुकु
कजि लेका यीयु ख्रीष्टअः होराते विचारे हुलंगरे एना
होषाओआ ।

युहना ५ : २२

अपु दो जेताए काए विचारेअः मेन्दो गोटा विचार
होनए एमअकअःइआ ।

रोमियो १४ : १०

मेन्दो अमचिकन नगेन्ते हगमेम विचारी तना ?
ओड़ोः हगम चिकन मेन्तेम हिलाइतना ? अबु सोबेन को
दो परमेश्वरअः विचार दुनुव सनमंग रे बु तिगुना ।

8 रडाओः एस्कर यीशु मसीह होराते

प्रेरित ४ : १२

ओडोः जेता एटअः निः ते दुनुः बनोः सिर्मा लतर रेदो
अबु एनाते दुनुः नम लगार्तिग एटअः नुतुम होडो कोअः
तलारे का एमअकना ।

इब्रानियों ५ : ६

इनिः तेयार यन्ते सोबेन बिश्वास तन को नंग जोरोंग
रेअः दुनुः दोईचि निः होषायना ।

युहना १४ : ६

एन्ते यीशु अइंगगे होरा ओडोः सनरति ओडोः जीदन
तर्निग, अइंग वगिर्किगते जेताए अपुतअ काको तेषःप्रःएआ ।

रडाओः एस्कर यीशु मसीहअः होराते

9

तीतुस २ : १४

ओड़ोः अबुअः हगा कोओ लगतिंगतेअः को नंग
बुगिन कमि कोको कमिअकनका एनाको इतुनका, कारेदो
का जोअन को तैना ।

प्रकाशित वाक्य ५ : ६

ओड़ोः इनकु नवा दुरंग दुरंग तन लोः कजितनको
तैकेना, अमदो ने पुथी औए ओड़ोः एना रअः मोहर छाप
रडाए लेकानिः तनमे, अमदोम गोए इचियना ओड़ोः
अमअः मयोमते सोबेन किलीको आर जगर को आर जति
को आर दिसुमरेन कोएते होड़ो को परमेश्वर नगेन्तेम
किरिंगकेद कोआ ।

10

यीशुमसीहअः मयोम होराते रडाओः

१ युहना १ : ७

मेन्दो अबु इनिः मस्कलरेनिः लेका मस्कल रेबु सेसेन
रेदो बु मेपेसअः, ओडोः इनियअः होन यीशुअः मयोम
सोबेन पाप कोएते पर्ची बुआ ।

जनाव जनावरेन आत्माअः होराते परमेश्वरअः अयर
रेए बेगर पोए रकबेनयन खीष्टअः मयोम चिमिनंग पुरअः
अपेअः मोन को जीद परमेश्वर सुसरी नगेन्ते गोएयन
कमिकोएते पर्चीएआ ।

इब्रानियों ६ : १४

इनिः रेगे इनिःयअः मयोम होराते अबुअः हुनुः हेगे
अयअः सयदरेअः खुर्जी लेका अबुअः पाप कोरेअः छेमा
मेनअः ।

इफिसियों १ : ७

दुनुः-प्रभु यीशु रे विश्वासकेआते

11

इफिस्सियों २ : ८, ९

सयद तेदो विश्वास होरातेपे दुःअकना ओड़ोः एना
अपेसअः एते का होशायना, एना परमेश्वरअः एनेम
तनअः । जेताए अलोकाको मरंगेन मेन्ते एना कमिकोते
होशायना । १ युहना ५ : ४

परमेश्वरते उन्दुषअकन सोबेनअः ओते दिसुमए हर-
तिंगेआ ओड़ोः आते दिसुम जितावकेद जिनिताव अबुअः
विश्वास तनअः । युहना २० : ३१

मेन्दो यीशु परमेश्वरअः होन ख्रीष्ट तनिः नेयापे
विश्वासे का ओड़ोः नेया विश्वास केते इनिअः नुतुमते
जीदन पे नमेका मेन्ते नेआ ओलाकना ।

परमेश्वरअः लिबुई

बिलापगीत ३ : २२, २३

इनिअः लिनिबुई का टुण्डु यना मेन्ते प्रभुअः लिनि-
बुईते कबु जिअन यना । एना दो जनाव सेतअः नवाओ
तना सनरतितम मरंगा ।

भजन सहित १०३ : १७

मेन्दो प्रभुअः लिबुईअए वोरुअइतन कोरे, जनाव
जनाव जकेद ओड़ोः अयअ धम्म होन गंडा को जवेद ।

तीतुस ३ : ५

मेन्दो अयअः दया लेकाते इनिः जन्मरुअड़ोः रअः
चनापीते आर पयिन्न आत्माए बैरुअड़ केद बुतेए दुःकेदः बुआ ।

परमेश्वर अबुके अयतअः रअः जदबुवा

13

प्रकाशित वाक्य २२ : १७

ओड़ोः आत्मा आर कोनेआ हिजुःमेकिंग मेने तना ।
ओड़ोः अयुमनिः हिजुःमेए मेनेका ओड़ोः तेतंगतनिः हिजुःका
ओड़ोः सनंगतनिः जीनिद दअः वेगर गोनोंगतेए
नमजोमका ।

मत्ती ११ : २८

ए सोबेन लगाकन ओड़ोः बारोमते तेनाकनको
अइंग तअःते हिजुःपे ओड़ोः अइंग रूड इचिपेआ ।

यसायाह १ : १८

प्रभु मर कपजिअबु मेन्तेए कजि तना अपेअः पाप
जेंगेद लेका अरअः कनरेयो रतंग लेका पुण्डिओआ, ओड़ोः
गिरू लेका गिरूअन रेयो मिण्डी उब लेका पुण्डीओआ ।

14 सोबेन को परमेश्वरअः होन का तनको

युहन्ना १ : १२

मेन्दो अए दोकिः, हेगे अयअः नुतुमरे विश्वासतन
सोबेन होड़ो को इनिः परमेश्वरअः होनोः रेअः पेडेःए
ओमद कोआ ।

रोमियो ८ : १४; १५

परमेश्वरअः आत्माते चलाओः तन कोदो परमेश्वरअः
होन को तन को । चिअचि अपे बोरोरुअडे ना दसि
कोअः आत्मा कापे नमाकअःइआ, मेन्दो होन कोआ
आत्मापे नमअकअः इआ, इनिअः होराते अचु हे अब्या,
हे अपु मेन्ते बु रअःइतना ।

इलि अरखी नगेन्ते परमेश्वरअः कजि

15

यसायाह ५ : ११

इदंगरे बिरिद कोःते बुलोः नगेन्ते नमघडातन कोअः
हाय हाय, इनकु दाखरसिते औरि बुलोः जकेद निदाको
दुवतना । गलातियों ५ : १६; २१

होड़मो रेअः कमिको नेलोः तना एनाको नेया तनअ ,
अपंगिर कमि, हुमु कमि, सिडिः कमि, मुरुत बोंगाः, सोखा
कमि, इरा. एपेरंग, हिंसिगा, कीस, कपजि, बिपिनगा,
होसोड़ धर्म, चेन्टा, वुनुल, रीजरंग ओड़ोः नेलेकन ओड़ोः
ओड़ोः कमिको । एना को नगेन्ते अइंग सिदारेंग कजि-
अदपे लेका नअः ओइग कजिअपे तना, एन लेकन कमि
कमितन को परमेश्वरअः राज्यरे हनटिंग काको नमेआ ।

मरकुस १० : १७-२२

ओडोः इनिः होरारे सेनतन इमता मियद होडो इनिः
 तअते निर अगुलेदा ओडोः इनिअः अयररे इकुडु मयन्ते ए
 बुगिन गुरू, का टुण्डुः जीदोनमे नगेन्ते चिनअःइंग विकाया
 मेन्तेए कुलि किया । यीशु चिकन मेन्ते बुगिनेम मेतंइग
 तना । मियदनिः हेगे परमेश्वर अगिकीते जेताए काको
 बुगिना । अम अनचुकोम इतुअना, "अलोम अपंगिरा,
 अलोम गोगोएआ, अलोम कुम्बुडुआ, होसोडो अलोम
 गोअना" अलोम वेदाः "एंगम अपुम तेकिंग ननातिंग
 किंगमे" मेनरुअडअःइआ ए गुरू एन सोवेनअः मिद सिटि-
 यातंग मनतिंग औकेदाए मेनरुअडअःइआ । ओडोः

यीशु इनिः नेल बैकिःतेए दुलड् क्रिआ ओडो मियद कजितेम
जंजिअकना । जू अयअः मेनअः तेअः सोबेन अकरिंग
केते रेंगेः तनको एना ओमाकोम, एन्ते सिमारे खुर्जीम
नमेआ ओडोः हिजुः कोःते ओतोंगिंगमेए मेतअःइआ ।
मेन्दो इनिः ने कजिते काए सुकुयना ओडोः हुडिंग जीयन्तेए
सेनोः यना इनिः दो पुरअः किसंडाकनए तैकेना ।

अलोपे बेदाना

17

इफिस्सियो ५ : ६

जेताए समा कजि कोते अलोकाए बेदाषे नेया को
नंग दो परमेश्वरअः कीस अनचु टोटाःतन कोरे टोगोःआ ।

मेन्दो कजि मनतिंग को होषाओपे आर कजि अयुम
एस्कर का नेआते अपेगेपे बेदाना ।

याकुब १ : २२

पापेते गोनोःए हिजुःतना

याकुब १ : १५

ओड़ोः एतकन सनंग बरजीयन्ते पापए उन्दुबेआ
ओड़ोः पापसेःयन्यी गोनोए उन्दुबेआ ।

लूक १५ : ३२

मेन्दो रसिकाओ ओड़ोः सुकुओः लगतिंग तैकेना ने
उण्डिमदो गोएअकनए तैकेना ओड़ोः जीद रूअडअकना इनिः
अदअकनए तैकेना ओड़ोःए नमरूअडाकनए मेतअःइःप्रा ।

रोमियों ५ : १२

एनानगेन्ते मियद होड़ोअः होराते पाप आर पाप
होराते गोनोए ओते दिसुमरे हिजुः लेनलेका, सोबेन होड़ो
कोरे गोनोए बोळोयना चिअचि सोबेन को पाप केरा ।

प्रकाशित वाक्य १ : १८

अइंग गोएअकनिंग तैकेना ओड़ोः नेलेपे, अइंग
जनाव जनाव जकेदिंग जीदतनगेआ आर गोनोंःए आर
पतालरेअः चाभी अइंगतअः रेआ ।

युहना ११ : ४३, ४४

इनिः नेया कजि केद चि ए इलियाजर ओड़ोंगोःमें
मेन्ते हकौ गरग केदा । ओड़ोः गोजाकनिः कटा ती
लिजअःते तोलाकनए ओड़ोंगयना, ओड़ोः इनिअः मेद-
मुअड़ गमछाते तोल बियुराकन तैकेना । ओड़ोः यीशु
इनिः रड़ाइपे ओड़ोः सेनइचिपेए मेतद कोआ ।

परमेश्वरअः अनचु

व्यवस्था विवरण ५ : ७-२१

अङ्ग वगिताङ्गेते जेता एटअः निः परमेश्वर अलोम
मनतिंग । जेतन मुटन अलोम बबैआ चेतन सिमारे ओड़ोः
ओते लतर दअ रे मेनअः तेअः जेतनअः रेअः मुटन अलोम
बबैया । परमेश्वरअः नुतुम समाते अलोम कजिया,
अमअः नुतुम समाते कजिनिः का चिटान कए लेकाइआ ।

रूङ्गुन हुलंग नियर मनतिंगेमे । तुरी मा कमिमे
ओड़ोः सोबेन कमि उदम कमिएमे । मेन्दोए म प्रभु
अमअः परमेश्वरअः रूङ्गुन हुलंग तनअः । एगाम अपुम
तकिन मनतिंग किंगमे एनाते प्रभु अमअः परमेश्वर ओमामे
दिसुमरे पुरअः दिनेम जीदोआ । एनरे बुगिनाम नमेआ ।

अम अलोम गोगोएया ॥

अम अलोम अपंगिरा ॥

अम अलोम कुम्बुङ्गुआ ॥

अम होपोर जपाःरेनियअः नगेन्ते होसोङ्ग अलोम
गोवान्ता ॥

अमअः होपोर जपाःरे नियअः कुडि नगेन्ते अलोम
हयाः ओङ्गोः अमअः होपोरजपाःरे निअः ओङ्गअः
ओङ्गोः ओते ओङ्गोः इनियअः दसि चाए कमङ्गीं
ओङ्गोः इनियाः उरिः ओङ्गाः ओङ्गोः इनियअः गदहा
ओङ्गोः इनिःतअःरे सोवेन मेनअः तेअः अलोम हयाःओ ।

नीति बचन १५ : ३

एतकन ओड़ोः बुगिन होड़ो कोए नेलनमजद वोलोः
प्रभुअः मेद् सोबेन तअःरेआ ।

लूक ८ : १७

सोबेन उकुअकनअः दो उदुधोःआ ओड़ोः गोबेन
दनंगांकनअः सरिओआ ओड़ोः मस्कलते औओःआ ।

अय्युब ३४ : २१, २२

इनियअः मेद् दो सोबेन कोआ सेसेनरेआ इनिः
इनकुआ सोबेन चण्डगंए नेले तना । कुलुप नुशाःरे ओड़ोः
गोनोए रेआ उम्बुल रेयो एतकन कमिको काको उकुदड़िना ।

भजन संहिता ६ : १७

मेन्दो प्रभु जनाव जनाव जकेद सिहासनरे दुषअकनए
तैना इनिः बिचार नगेन्ते अयअः गण्डुए दोअकदा ।

मत्ती १३ : ४१, ४२

मनोवा होन अयअः सिमारेन दसि कोए कुलकोआ
ओड़ोः इनकु इनिअः राज्यरे सोबेन तोदइचितेअः ओड़ोः
एतकनअः कमितन कोको हुण्डिकोआ । ओड़ोः इनकु
संगेल हुवंगरे को हांडोष कोआ, रनअः ओड़ोः डटा रिडिद
एन्तअः रेआ ।

मत्ती २५ : ४६

ओड़ोः इनकु जनाव जनाव रेअः दुकुरे मेन्दो धर्ममान
को जनाव जनाव रेअः सुकु जीदन रेको सेनोआ ।

रोमियों १४ : १२

एन्ते अबुएते मिमियद होडो अयअः नगेन्तेगे पर-
मेश्वरअः लेखाए ओमाइआ ।

१ युहना ४ : १७

विचार हुलंगरेबु डीडे नगेन्ते अबुरे दुलड पोकताकना,
अएदो मेनाःइलेका अबुओ ओते दिसुमरेबुआ ।

प्रेरित १७ : ३१

चिअचि इनिः मुसिंग हुलंगए नेण्डाकदा एनाए इनिः
अए दोअकअःइ मियद होडोअः होराते आते दिसुम सरति-
तेए विचारेया ओडोः इनिः एन होडो गोएअकनकोएते
जीधिरिद किते सोबेन कोए विश्वास इचिअकद कोआ ।

२ कोरिन्थी ८ : ६

अपेदो अबुअः प्रभु यीशु ख्रीष्टअः सयदपे सरितना,
इनियअः रेंगे ते अपे दोपे किसंडोःका मेन्ते इनिः किसंड-
अकन रेयोए रेंगे यना ।

२ कोरिन्थियों ६ : १५

अयअः का कजिदडियो इतुलेकन एनेम नंग परमेश्वर
सहराओका ।

१ पतरस ५ : ५

एन लेकागे, ए सेपेडेदको अपे प्रचीनकोएते हुडिगेंनपे,
हेगे, अपे सोबेन को मियद एटअः निः सुसरी नगेन लेवेः
मोनते पटेनपे । परमेश्वरदो मरगेंन तनकोए तिगुदरोमजद
कोआ मेन्दो हुडिगेंन तनकोए सयदाकोतना ।

हियातिंग

मत्ती ३ : २

ओडो इनिः, हियतिंगेपे सिरमा राज्य दो नडेःअकना
मेनेतनए तैकेना ।

२ कोरिन्थ ७ : १०

परमेश्वरअः मोने लेकन हुडिग जीओदो दुनु नंगए
हियतिंग इचिआ ओडोः एना नंग जेताए काको हियाति-
गेआ मेन्दो संसार रेअः लेकन हुडिग जीओः गोनोए
ओमोन इचिआ ।

लूक १३ : ३

बनोःगोंग मेतापेतना मेन्दो अपे कापे हियातिंगे रेदो
अपे सोवेन को नेलकागेपे जियनोःआ ।

यसायाह ५५ : ७

एतकननिः अयअः होरा ओड़ोः काधमनिनिः अयअः
 एतकन उड् :ए वगेका, इनिः प्रभु सअःतेए रूअड रेदो इनिःए
 लिबुइअडया अबुअः परमेश्वर सअःतेए रूअड रेदो इनिः
 पुरअःगे छेमाइआ ।

प्रकाशित वाक्य ३ : २०

तेर अइंग दुवरतअःरे तिगुनयन्तेग टोःटोः एतना,
 जेताए सड़ीतैंगए अयुमेरेदो ओड़ोः दुवरए निःएरेदो इनिः
 तअ.तैंग घोलोवा ओड़ोः इनिःलोः जोमेअइंग जोमेआ,
 ओड़ोः इनिः अइंग लोःए जोमेका ।

संसारएते विनगन

इफिस्सियों ५ : ११

ओड़ो: नुषअ: रेअ: उषाए कमि कोरे अलोपे मेराना,
बनो गे एना चिटाएपे ।

कोलोस्सियों ३ : २

चेतन रेअ: को उड़ु: कतेपे, ओते रेअ: कोदो
अलोपेआ ।

१ युहन्ना २ : १५; १६

ओते दिसुम ओड़ो: ओते दिसुमरेअ: को अलोपे
दुलडेंआ, ओते दिसुम दुलडेंनि:रे अपुअ: दुलड बनोवा ।
ओते दिसुम रेअ: सोबेनअ:दो होड़मोरअ: सनंग अरं
मेदरेअ: सनंग आर जीदनरअ: समा मनरंग, अपुसअ:एते
दो का मेन्दो ओते दिसुमस: तेआ ।

१ पतरस १ : २३

हेगे परमेश्वरअः जीद आर तैनतन कजितेपे जन्म
रूअडाकना ।

युहन्ना ३ : ३

यीशु सरतिगे सरतिगेंग कजिअम तना, जेताए काको
जन्म रूअडोः रेदो परमेश्वरअः- राज्य काको नेल दडिया
मेन्ते इनि ए कजिरूअडाःइया ।

१ युहन्ना ५ : १८

परमेश्वरते उन्दुषाकनिः काए पापेया मेन्ते बु सरितना,
मेन्दो परमेश्वरते उन्दुषाकनिः अएगेए होरोना ओडोः एन
एतकनिः इनिः काए जुटिदिआ ।

30 पाप नगेन्ते गोएःयन्ते मसीहलोः जी बिरिद

१ पतरस २ : २४

अबु पाप नतिन गोएःकोते धरम नगेन बु जीदो का,
एना मेन्ते इनिः अएःगे अबुअः पाप को अयअः होड़मोरे
दरू चेतनरे गोः इदिकेदा, इनियअः गाव कोतेपे बुगियना ।

एना मेन्ते अपे ख्रीष्ट लोःपे जी बिरिदयनरेदो चेतन
रेअःको नमवड़ाएपे, एन्तारे ख्रीष्ट परमेश्वरअः एनोय
तीसअःरेए दुषअकना । कुलुस्सियो ३ : १

बनोःगे, अबु पाप नगेन्ते वू गोएयना, नाअदो एनरे
चिलका बु जीदोःआ ? नेलेकाते अपेओ, पाप नगेन्ते बु
गोएअकना मेन्दो अबुअः प्रभु ख्रीष्टरे परमेश्वरअः नगेन्तेवू
जीद तना । रोमियो ६ : २ ओ ११

का टुण्डुयोः जीदन

31

युहन्ना ५ : २४

सरतिगे सरतिगैंग कजिअपेतना, अइंगअ कजि अयुम
तन ओड़ोः अइंगअः कुकुलनिःरे विश्वासतन होड़ोअः का
टुण्डु जीदन मेनअः ओड़ोः इनिः काए विचारोःआ मेन्दो
इनिः गोनोएतेए जीदनरेए परोम सेटेरअकना ।

रोमियो ६ : २३

पापरअः नला दो गोनोए तनअः मेन्दो परमेश्वरअः
सयद एनेम अबुअः प्रभु यीशु ख्रीष्टरे जनाव जनाव रेअः
जीदन तनअः ।

युहन्ना १७ : ३

इनकु अम मियदगे सरति ईश्वर ओड़ोः अमकुलाकःइ
यीशु ख्रीष्ट को सरिका नेयादो जनाव जनावरेअः जीदन तनाः ।

दुनुः रेअः पोक्तोःओः

१ युहन्ना ३ : १८; १९

ए होन को, कजिते चाए अलंगते अलोकबु दुलड़े मेन्दो
कमिते आर सरतिते । नेयाते अबु सनरतिरेन को तनबु
मेन्ते बु सरितना । ओड़ोः अबुअः मोन चिटाबु सोबेनअः
रे इनियअः अयररे अबुअः जीबु बुभावेआ ।

१ युहन्ना ४ : १३

ओड़ोः इनिः अयअः आत्माएतेए ओमदबुआ एनाते
अबु इनिःरेबु तैनतना, ओड़ोः इनिः अबुरे तैनतना नेयाबु
सरितना ।

यसायाह ३२ : १७

ओड़ोः धर्म रेयाः कमिते बपर्इरे ओमोनोः तनअः
ओड़ोः धरम कमीते रूड़ुन आर बोरसा जनाव जकेद तैना ।

मसीह अबुअः बितर तैकोअद रसिका इचिबुतना 33

भजन संहिता १६ : ११

जीदनरेअः होराम उदुषअइंगा, पुरअः सुकु अमअः
सनमंग रेअः जनाव जनावरेअः रसिका अमअः
एतोमतीरेआ । युहन्ना १५ : ११

अइंगअः रसिका अपेरे तैन ओडोः अपेअः रसिका
पुराओ नगेन्ते अइंग नेयाइंग कजिअकदपेआ ।

अइंग स्त्रीष्टलोः क्रूशरेंग रकथ यना एन रेयोइंग जीद
तना अइंगदो अयरते का, धनोःगे स्त्रीष्ट अइंगरे जीदतना,
होडमोरेदोइंग जीदतना, मेन्दो एन जिनीद परमेश्वरअः
होनअः विश्वासरेंग जीदतना, इनिःए दुलडकिःइंगा ओडोः
अइंग नंग अएगेए ओमेनयना । गलतियों २ : २०

२ थिसलोनिकियों १ : ७-६

ओडोः प्रभु यीशु अयअः मनरंगरे दुतकोलोः हदका-
ओतन सॅगेलरे सिर्मासअःएतेए उदुषोःतन इमतागे अपे
अलेलोः सुकुपे नमेआ । ओडोः अबुअः परमेश्वर काको
अटकरीतन ओडोः प्रभुअः सुकु कजि का मनतिंगको इनिःए
सजाई कोआ । इनकु परमेश्वरअः मेदमुंअडेते ओडोः
इनिअः मन रंगरअः माइनएते परका यन्ते को सजाइओःआ
हेगे जनाव जनाव नगेन्तेक जिअनोःआ ।

मेन्दो प्रभुअः कजि कपे मनतिंगरेदो ओडोः प्रभुअः
अन्चुपे टोटअःए रेदो प्रभु अपेअः अपुकोअः विरोदए तैकेन
लेका अपेअः विरोदए तैना ।

१ शमुएल १२ : १५

यीशु मसीह के मनतिंग जरूडो: मेनअ: 35

मत्ती १० : ३२, ३३

एन्ते होडो कोआ अयररे मनतिंगीगनि: अइंगो
अइंगअ: सिरमारेन अपुअ: अयररे इनि:इम मनतिंगिया ।
मेन्दो होडोकोअ: अयररे अइंग इनि: कइंग सरिआए मेनेनि:
अइंगगो सिमारेन अपुइंगअ: अयररे इनि: कइंग सरिआइंग
मेनेया ।

रोमियों १० : ६, १०

अमदो मोचातमते यीशु प्रभु तनि: मेन्तेम मनतिंगे
रेदो ओडो: परमेश्वर इनि: गोएअकन कोएतेए जीबिरिद
किआ मेन्ते मोनतमरेम विश्वास रेदोम दुगो:आ । ओडो:
धर्मान लेकायो नंग मोनतेगे विश्वास तना आर बन्नचाव
नंग मोचातेगे मनतिंगतना ।

शैतान अबुअः बैरी

मत्ती ४ : १ ओड़ो १०, ११

एन्ते आत्मा यीशु शैतानेते बिड़ाओ नतिन बिरते इदि किआ । एन्ते यीशु ओचो शैतान अतोमेनमे “प्रभु अमअः परमेश्वर जोहारीम ओड़ोः इनिः एस्कर सुसरीमे,” नेयादो ओलाकनाए मेतअःइया, एन्ते शैतान इनिःए बगितुकअःइआ ओड़ोः नेलेपे सिमारेन दासीको हिजुःलेन्ते इनिः को सुसरकिआ ।

१ पतरस ५ : ८

चिर्गलाकनपे ओड़ोः एयोनाकनपे, अपेअः बैरी शैतान दो हुःकरेतन कुलालेकाए सेनबड़ा तना, ओड़ोः जेताए उदी नगेन्तेए होनोरबड़ा तना ।

शैताने ते जिनिताव

37

इब्रानियों २ : १४

एना मेन्ते इनिः एना एन लेकाते अएगेए औकेदा
ओड़ोः एनाते इनिः गोनोए होराते गोनोएरअः पेड़ेः दड़ि दो
केननिः हेगे शैतान जियान किआ ।

ओड़ोः एन्ते इनिः पापनिःए उदुबोःआ, इनिः प्रभु
अयअः मोचारेअः सयदतेए जिअनिया ओड़ोः हिजुः कोःते
अए उदुबेतनरेए टुण्डुइया ।

२ थिस्मलोनि २ : ८

शैतानपे तिगुदरोमीरेदो इनिः अपेतअःतेए निरा ।
परमेश्वर तअःपे नड़ेः एन रेदो इनिः अपेतअःए नड़ेः एना
ए पापी, को अपेअः तीको पर्चीएपे ओड़ोःए बरिया मोन
तेनको अपेअः मोन को पबित्रेपे ।

याकुब ४ : ७, ८

दुलड़अन चेला को जांचो:

युहन्ना १३ : ३५

अपे दुपुलड़ रेदो अपे अइंगअ: चेलाको तनपे नेया सोबेन होड़ो को सरिआ ।

१ युहन्ना ४ : २०

जेताए अइंग परमेश्वरइंग दुलड़ीतनाए मेने रेदो ओड़ो: हगातेए कीसिअइरेदो होसोड़नि: तनि अए नेलाकइ हगाते काए दुलड़ी नि:दो का नेलाकइ: परमेश्वर बिलकाए दुलड़ दड़िअइया । गलतियों ५ : २२, २३

मेन्दो आत्मा: जो नेया तनअ: दुलड़, रसिका, मेसा-सहतिंग, लिनिबुइ, देंगा, पतियारो: लेनेबे: आर टौकाबारी सेसेन नेलकन कमिको केसेदतन अइन बनोआ ।

युहन्ना २० : २६-२८

इरलमा तयोमते इनियअः चेलाको ओड़ोःगे ओड़ोः
 रेको तैकेना ओड़ोः थीमा इनकु लोः तैकेना । एन्ते दुवर
 हन्डेदाकन तैकेनरे यीशु इनकु तअःए हिजुःलेना ओड़ोः
 तलारे तिगुनयन्ते अपेअः जी सुकु होवाओकाए मेतदकोआ ।
 एन्ते इनिः कटुःतम चुण्डुलेमे ओड़ोः तीकिंग तैंग नेलेमे
 ओड़ोः तीतम जिलिंगेमे ओड़ोः सयनंग तैंगरे उगुरेमे
 ओड़ोः का विश्वासनिः दो का मेन्दो विश्वासेनिः तैनमे
 मेन्ते थोमाए कजिअइआ, थीमाए अइंगाः ओड़ोः ए अइंगअः
 परमेश्वरए मेनरूडाःइआ ।

१ पतरस १ : १५

मेन्दो रअकेदपे नियअः पवित्र लेका मेनाःइ अपेओ
सोबेन सेसेनरे पवित्रोःपे ।

रोमियो ६ : ३-५

अबु ख्रीष्ट यीशुरे बप्तीमायन सोबेन को इनियअः
गोनोए रेबु बप्तिस्मायना, चिअः एना कापे सरितना ?
ख्रीष्ट अपुअः मनरंगते गोएअकोएतेए विरिदयन लेका अबुओ
जीदन रअः नवा सेसेनबु सेनेका मेन्ते इनियअः गोनोएरे
बप्तिस्म यन्ते इनिःलोः बु तोपायना । अबु इनियअः गोनोए
रअः जोनोकारे इनिः लोःबु मिदअकन रेदो अनियअः
जीविनिरिद रअः जोनोकारेओबु मिदोःआ ॥

मत्ती १६ : २१

एन दिपलीएते यीशु अइंग यीरूसलेमते सेनकोःते
 प्रचीन को ओड़ोः मपरंग याजकको ओड़ोः आइन इतुकोएते
 पुरअः दुकु सहतिंग ओड़ोः गोजोः ओड़ोः अपी मारे जी
 बिरिदोअइंग लगतिंगा नेया अयअः चेला को उदुब एटेः
 केदकोआ ।

२ तिमोथियुस २ : २१

नेया कोएते जेताए पचीन रेदो इनिः मइनन कमिरअः
 वासनए लेकाओःआ एना पबित्राकना ओड़ोः ओड़ोः
 गुसियअः मरंग कमिलेकनअः ओड़ोः सोबेन बुगिन कमि
 नतिन तेयाराकना ।

आत्माते पेरेःयाकन होड़ो

प्ररित ४ : ३१

ओड़ोः इनकु बिन्ती लेद चि इनकु हुण्डियकन टयद
एकेलायना ओड़ोः एन सोबेन को पबित्र आत्मातेको
पेरेःयना ओड़ोः परमेश्वरअः कजिडीड़तेको उदुब केदा ।

प्ररित १ : ८

मेन्दो पबित्रात्मा अपेतअः हिजु कोःरे अपे पेडेः पे
नमेया ओड़ोः यीरूशलेम आर गोटा यहुदिया ओड़ोः
शोमरोनरे ओड़ोः ओते दुण्डु उत्तर जकेद अइंगअःपे
गोवाया ।

रोमियों ८ : ६

मेन्दो अपेरे परमेश्वरअः आत्माए तैन रेदो अपे
होड़मो लेकन कोदो का मेन्दो आत्मान लेकन को तनपे ।
मेन्दो खीष्टअः आत्मा का नमाकाःइ को खीष्टअः का तनको ।

ख्रीष्टयान को नंग मरंग उत्तर जवान

43

१ पतरस ४ : १२, १३

ए दुलङको एन अपे तलारे धिड़ावपे नगेन्ते होधावतन
लोलानंग हैकट कजि टोगोः तना मेन्दो अपे अलोपे हैकटो ।
मेन्दोअपे ख्रीष्टअः दुकुरेअः हनटिंगपे नमजद लेका रसिका-
ओपे, एन्ते अपे इनियअः मनरंग उदुषोः इमता रसिकातन
लोपे रसिकावा ।

यशायाह ६६ : २

ने सोवेनअः दो ती तैंगए बैयाकदा ओड़ोः नेलेकाते
ने सोवेनाः मेनअः नेया प्रभुए मेनेतना मेन्दो अइंग रेगेः
ओड़ोः हुलअः कन मोनन ओड़ोः अइंगा कजि अयुमकेते
एकलावतन होड़ो इंग नेलवैआ ।

44 विनिडाव रे टोआकन को नगेन्ते जबान

रोमियो १६ : २०

ओडो: जीरडे:रेन परमेश्वर अपेअ: कटा लतररे बोदेगे
शैतान ए कोटे:इआ । अबुअ: यीशु खीष्टअ: सयद अपेरे
होधावका ।

१ कोरिन्थ १० : १३

मनोवा होन को सहतिंग दडिलेकातेपे विडावयना,
एअ: लेकाते दो का । परमेश्वर दो पतियार नगेया इनि:
अपे पेडे एते जदका काए विडावइचिपेया मेन्दो अपे एनापे
सहतिंग दडिका मेन्ते विडावपे तनलो:ए एनाएते ओडोंगों-
रअ: होराओए दोया ।

जिनिताव यनको नगेन्ते जवान

45

प्रकाशितवाक्य ३ : १२

जितावेनिः परमेश्वर तैंगअः मन्दिर रेअः खुण्टाइंग
बैइया ओड़ोः इनिः चिउलाव एनाएते काए ओड़ोंगोंआ
ओड़ोः इनिःरे परमेश्वर तैंगअः नुतुम आर परमेश्वर तैंगअः
हतुरेअः हुगे नवा यीरूशलेम रेअः नुतुमइंग ओलेया एना
परमेश्वरसअःएते सिर्माएते अङ्गुना ओड़ोः अइंगअः नवा
नुतुम इनिःरैंग ओलेया ।

जितावेनिः एन लेकाते पुण्डी लिजअः उयुःआ ओड़ोः
अइंग इनियअः नुतुम जीदनरेअः पुथीएते कर्गंग मेटावेया
ओड़ोः अइंग इनियअः नुतुम अपुइंग आर इनियअः सिरमा-
रेन दसिको सनमंगरे मनतिंगेआ । प्रकाशितवाक्य ३ : ५

46 वागिन रेअः विषयरे परमेश्वर अबुए उदुबतना

१ कोरिन्थ ७ : १०, ११

कुडिदो कोडा अलोकाए वगि मेन्ते अइंग दो का मेन्दो प्रभु अडन्दीयकन कोए अचुको तना । ओडोः इनिः कोडाताए वगीरेदो (ओडोःगे अलोकाए अडन्दीन चाए कोडाताए लोःए मेसा रूअडेनका ।) ओडोः कोडा कुडिताए अलोकाए वगी ।

मत्ती ५ : ३२

मेन्दो अइंग नेयाइंग कजियापेतना, जेताए अयअः कुडि अंगिर कमि वगेकेते जेतनअः नगेन्ते वागेरेदो इनिःए अंगिर कमिइचिया, ओडोः जेताए एन वगियकन कुडिए अडन्दी रेदो इनिः अंगिर कमि कमिया ।

मत्ती २४ : ३०

एन्ते मनोवा होनअः चिना सिमारे नेलोःआ ओडंः
ओतेरेन सोबेन जतिरेन को कुडम को तबिडिआ ओडोः
मनोवा होन पेडंः ओडोः मनरंग सम सिर्मा रिम्बिल चेतनरे
हिजु तन कोनेलीआ ।

युहन्ना १४ : ३

ओडोः अडंग सेन कोःते अपेनंग टयदडंग बैसेकडाए
रेदो अडंग तैनतअःरे अपेयो तैनोः नगेन्ते रूअडकोःते अडंग
तअःतंग इदिपेआ ।

प्रकाशितवाक्य ३ : ११

अडंग बोदेगंग सेटेरा अमअः मुकुट जेताए अलो
ककोरेःमे, नेया मेन्ते अमतअः मेनअःगअः सबाकम ।

मत्ती १६ : २७

मनोवा होन दो अयअः सिमारेन दसि कोलोः
अयअः अपुअः सनमंगरे हिजु इमतागे इनिः मिमियद होड़ो
इनियअः कमिको लेकाए ओमअःइआ ।

१ युहन्ना ३ : २

ए दुलडको नाअदो परमेश्वरअः होनको तनबु ओड़ोः
अबु होषाओअः औरि नेलोःआ मेन्दो इनिः उदुषोः रेदो
अबुइनिः लेकाबु होषाओआ, एनाबु इतुअन तना, चिअचि
इनिः मेनअःइलेका इनिः बु नेलीआ ।

एना मेन्ते अपेयो सपड़ौअकनपे, अपे कपे उड़ुःए
दिपली रेदो मनोवा होनए हिजुःआ ।

लुका १२ : ४०

परमेश्वरअः कजि

भजन संहिता ११६ : १०५

अमअः कजि कटातैंगरेअः दिया तनअः ओड़ोः होरा
तैंग रेअः मस्कल तनअः ।

भजन संहिता ११६ : ११

अमअः अलोकाइंग पापे मेन्ते अमअः कजि मोन
तैंगरेग दोवाकदा ।

लूका २१ : ३३

सिर्मा ओड़ोः ओते सेनोःआ मेन्दो अइंगअः कजि को
कागे सेनोःआ ॥

२ तीमोथियुस ३ : १६

परमेश्वर उदुषाकद सोबेन ओनोल दोइनितु आर
चेनेताव आर बैरूअड़ आर धरेम इतुन नगेन्ते जोओःतना ।

For more information or to request a free Bible study, please write to:

WMP
India Bible Literature
67 Beracah Road
Kilpauk
Madras 600 010

850K Assam
Ranchi Bihar

MUW 57 Mundari